

*Calypso Contest...***CAMBIONAN DI BANDA TARDANZA DI MAS**

ORANJESTAD (AAN): Apesar cu a trata di presenta Diasabra anochi dos set up di banda pa accelera e concurso di Calypso y Roadmarch, e sistema debi na fallonan di e anochi y otro circunstancianan cu a presenta nan mes no a logra su meta.

Juby Naar a splica na un emisora cu si e doble set up resulta lo por logra 4 or di madrugada manera e organizadornan tabata tin programa, pero si e no resulta lo por spera final te mainta 8 pa 9 or.

Ademas, si bini e tardanzan di custumber cu situacionnan tecnico imprevisto, e concurso lo no termina pa 4 or atardi tampoco diadomingo.

For di principio di anochi el a tene su conteo di minuutnan manera e ta haci tur aña tanto cu calypso y roadmarch y cu tumba, y

manera hunto cu Edwin Zichem e prome coordinador di e anochinan aki tabata ser haci semper.

Y for di su anotacionnan por a saca lo siguiente: "Tip-paman & the Creators" a cumenza actua 9.45 or sigui pa Grasshoppers cu a cumenza 10.20 y termina .

"Eclipse" cu tabata riba escenario tur e temp ey, a cumenza preparacion final despues di Grasshoppers y pa 11.05 tabata cla pa cumenza pero a sali problema tecnico aki y aya, y Rusty manera tur manager kier a mira e fallonan aregla por completo prome cu e dicidi di "dal bay".

Eclipse a cumenza su presentacion 11.30 or anochi y termina 12.15 or.

Tabata tin duracion di 25 minuut prome cu a bini cla pa "Musical Time". E agrupacion aki a cumenza su presentacion 12.40 or

acompañando su 3 cantantenan cu 5 cancion, mientras nan "warmup" tabata djies e "sound test" locual a ser aprecia.

"Robert y su Solo banda Show" a cumenza actua 1.40 or di madrugada. y nan prome cantante "Mighty All" a cumenza su roadmarch 2.05 or; Lady J. 2.010 y nan a termina 2.20 or.

Qua-Si" tambe tabata tin un preparacion rapido pa por cumenza y pa 2.35 or Ramphis a duna su presencaion como participante ya cu nan "warmup" tambe tabata cortico.

"Tattoo" cu tabata nan di 3 cantante a cumenza su participacion 2.55 or di madrugada y termina 3.20 or cu presentacion di Qua Si y su cantantenan.

"Passpoort Band" tabata prepara mientras cu Qua Si a actua y no a dura mucho pa nan a presenta. Pero despues

di Passpoort cu Coco Loco Band" tabata prepara na otro banda di escenario, mester a warda pasobra "manager-integrante" tabata den reunion cu ASOMA y Organizadornan hunto cu tur manager di banda.

Ora e manager a presenta mester a warda tecnico di sonido di e anochi pa tuma su lugar y 3.45 or "Coco Loco Band" a cumenza su actuacion, terminando 4.05 or.

Parti di PRIDE tabata na nan lugar caba y mester cumenza haci preparacionnan pa PRIDE su presentacion. Tabata tin tardanza aki tambe debi na deliberacionnan ASOMA, SAC,

Comision Organizador, Polis etc. y 4.45 or a dal bay cu e "warm up" di PRIDE cu tampoco no tabata tin culpa den tardanza.

5.30 or cu PRIDE cu a termina su actuacion acompañando su 3 cantantenan cu 5 cancion participante y warmup acerca, ta ora cu President di Comision Organizador Sr. Atan Lee a duna splicacion di con ta suspendi e concurso y sigui cune diadomingo anochi.

Mirando cu na e momento ey a participa 9 di e 23 agrupacionnan y si e desarrollo sigui mescos pa e otronan, e concurso lo a termina e ora ey te 3 pa 4 por atardi.